

ejus cunæ monstrantur, anno MD. natum, Aquisgrani, & deinceps a Clemente VI. Bononiæ coronatum. In Germania tamen ne suum *Plus ultra*, supra pristinam Principum libertatem proferret, probeque nosset, alio sibi modo gubernandam Germaniam, quam ditiones reliquas, expressis legibus, quas Capitulationem vocant, cujusque usus apud posteros strictius invaluit, constringebatur.

§ CCXLIII. Maximilianum ex regionibus Austriacis singulare regnum, quod Orientale vocaretur, voluisse condere, non desunt, qui commemorarent. Hoc quidem institutum etsi non profecutus fuerit Carolus nepos; quando tamen fratri Ferdinando utramque Austriam cum aliis ditionibus Austriacis per Germaniam superiorem concederet, singulari diplomate tanta Austriacis Archiducibus indulgit privilegia, ut illorum dignitas non